

MAGBATASAN SA PAGPAHIMULOS NI CRISTO NGA KAHUY SA KINABUHI

Mensahe 5

Ang Sekreto sa Pagkinabuhi sa Cristohanong Kinabuhi aron Mahimong Mananaog—Mosunod sa Paagi sa Pagkaon ug Pagpahimulos ni Cristo nga Kahoy sa Kinabuhi

Basahong Kasulatan: Gen. 2:9; Bug. 2:7; Juan 6:57, 63; Jer. 15:16; Sal. 119:15; Ezeq. 3:1-4

- I. **Ang sekreto sa pagkinabuhi sa Cristohanong kinabuhi aron mahimong mananaog pagsunod man sa paagi sa pagkaon ug pagpahimulos ni Cristo nga kahoy sa kinabuhi; dili tuyo sa Dios nga mobuhat tag bisan unsa alang Niya; nagtinguha ra Siya nga ihatag ang Iyang Kaugalingon kanato ingon nga kalan-on nga atong mapahimuslan; kadto rang nagsunod sa paagi sa pagpahimulos ni Cristo nga kahoy sa kinabuhi ang makakita nga magpabilin ang kinabuhi ug buhat nila sa Bag-ong Jerusalem—Gen. 2:9; Bug. 2:7.**
- II. **Makaon nato si Ginoong Jesus nga espirituhanong kalan-on nato aron atong mapahimuslan, dawaton Siya nga Espiritu nga naghatag og kinabuhi, sa pagkaon nato sa Iyang mga pulong nga espiritu ug kinabuhi, dawaton ang Iyang mga pulong pinaagi sa tanang pag-ampo ug sa pagpamalandong niini—Juan 6:57, 63; Jer. 15:16 ug nota; Efe. 6:17-18; Sal. 119:15 ug nota; Mat. 4:4; Sal. 119:103:**
 - A. Mokaon ngani ta ni Ginoong Jesus sa pagkaon nato sa Iyang pulong nga espiritu ug kinabuhi, mabuhi ta *tungod* Niya (Juan 6:57, 63); mabuhi ta dili *pinaagi* ni Cristo kondili *tungod* ni Cristo nga nagpalagsik nga elemento ug sangkap nato; ikinabuhi nato si Cristo sa Iyang pagkabanhaw, ug ikinabuhi nato Siya sa pagkaon nato Kaniya (Gal. 2:20; Fil. 1:1-21a).
 - B. Sa pagkaon nato ni Ginoong Jesus pinaagi sa pagkaon nato sa Iyang mga pulong, kinahanglan duna tay hustong espirituhanong paghilis—Ezeq. 3:1-4; Jer. 15:16; Bug. 10:9-10:
 1. Kon maayo ang paghilis nato, dunay agianan ang kalan-on nga makasulod sa tanang bahin sa pagkatawo nato sa sulod; sa pagkaon duna tay paghilis, sa paghilis duna tay paghilis-sagol, ug sa paghilis-sagol makakuha tag praktikal nga pagtil-og sa kadato ni Cristo nganhi sa atong pagkatawo—Efe. 3:16-17a.
 2. Nagpasabot kanang wala mahilisi nga dili makasulod ang Ginoo nga espirituhanong kalan-on sa mga bahin nato sa sulod; kon walay kagawasang makasulod sa mga bahin nato sa sulod ang kalan-on, dili ta mahilisan—Heb. 3:12, 15; 4:2.
 3. Ablihan gyod nato kanunay sa Ginoo ang tibuok natong pagkatawo ug ang tanang bahin nato sa sulod aron dunay kaagian ang espirituhanong kalan-on sa sulod nato; kon buhaton nato kini, mamaayo ang paghilis ug paghilis-sagol nato, masuyop nato si Cristo nga espirituhanong til-og, ug mahimo si Cristo nga bahing moumol nato aron mapadayag ang Dios—Efe. 3:16-17; Col. 3:4, 10-11.
- III. **Makaon nato Siya sa pagbuhat nato sa kabubut-on sa Amahan nga motagbaw sa mga gigutom ug giuhaw ug sa paghimaya nato sa Amahan dinhi sa**

yuta sa pagkinabuhi nato sa Dios-tawong kinabuhi aron mahimaya ang nahikay nga Tulo-usang Dios—Mat. 24:45-47; Fil. 1:19-21a:

- A. “Duna Koy kalan-on nga wala ninyo mahibaloi....Ang Akong kalan-on mao ang pagbuhat sa kabubut-on Niya nga nagpadala Nako ug ang paghuman sa Iyang buhat”—Juan 4:32, 34.
- B. “Gihimaya na Ka Nako dinhi sa yuta, gihuman ang buhat nga gipabuhat Nimo Nako” (Juan 17:4); ang paghimaya sa Dios pagpadayag man sa Dios sa tanang butang (itandi sa Col. 1:9-11).
- C. Sa pagkinabuhi sa Ginoo ingon nga tawo nikaon Siyag mantikilya (sa kinada-toang grasya) ug dugos (sa kinatam-isang gugma), nga naggahom Niya aron kanunay Siyang mopili sa kabubut-on sa Amahan—Isa. 7:14-15, ASV 1901.
- D. Kita kadtong nagkat-on ni Cristo maingon nga “naa ni Jesus ang realidad”; nagpasabot sa aktwal nga kahimtang sa kinabuhi ni Ginoong Jesus ingon sa nasulat sa upat ka ebanghelyo ang *naa ni Jesus ang realidad*, sa kinabuhing naghimaya Siya sa Amahan dinhi sa yuta aron maghimog sumbanan alang sa Iyang mga magtutuo—Efe. 4:20-21:
 - 1. Nagkinabuhi si Jesus sa kinabuhing nagbuhat Siya sa tanan diha sa Dios, uban sa Dios, ug alang sa Dios aron mahimaya ang Dios; naa ang Dios sa Iyang pagkinabuhi, ug nausa Siya sa Dios; sa pagkabanhaw nahimo Siyang Espiritung taghatag-og-kinabuhi aron makasulod Siya nato ug mahimong kinabuhi nato; nakat-on ta Niya (Mat. 11:29) sumala sa Iyang panig-ingnan, dili pinaagi sa atong natural nga kinabuhi kondili pinaagi Niya nga atong kinabuhi diha sa pagkabanhaw (Col. 3:4; 1 Ped. 2:21).
 - 2. Wala gyod mobuhat si Ginoong Jesus og bisan unsa sa Iyang Kaugalingon (Juan 5:19); wala Siya mobuhat sa kaugalingon Niyang buhat (4:34; 17:4), wala Siya mamulong sa kaugalingon Niyang pulong (14:10, 24), wala Siya mobuhat sa kaugalingon Niyang kabubut-on (5:30), ug wala Siya magtinguha sa kaugalingon Niyang himaya (7:18).
 - 3. Ang makat-on ni Cristo kana mang mahulma sa sumbanan ni Cristo, sa ato pa, masama sa dagway ni Cristo; Siya mismo nga Espiritung nagpuyo sa sulod, ang balaod sa Espiritu sa kinabuhi, lakip sa tanang kadato sa Iyang kinabuhi, nagpasanay sa Iyang Kaugalingon dinhi nato—Rom. 8:2, 28-29.
- E. Niingon ang Isaias 43:7, “Ang tanang ginganlan sa Akong ngalan, / Nga Akong gilalang, giporma, ug gibuhat man ngani alang sa Akong himaya”; ang kinalabwang pag-alagad nga mabuhat nato sa Dios mao ang pagpadayag sa Iyang himaya—2 Cor. 3:18; Rom. 9:23.
- F. Niingon ang 1 Corinto 6:20, “Pinalit mo sa usa ka bili. Busa himayaa ang Dios sa inyong lawas”; pagpaokupar ug pagpasurop kini sa Dios, nga nagpuyo kanato (1 Juan 4:13), sa atong lawas nga Iyang templo (1 Cor. 6:19); niingon ang 1 Corinto 10:31, “Mangaon ba mo o manginom, o bisan unsay inyong buhaton, buhata ang tanan alang sa himaya sa Dios.”

IV. Makaon nato Siya sa pagkontak nato sa hustong mga tawo—Lev. 11:1-3, 9, 13, 21:

- A. Ang pagkaon pagkontak mag mga butang sa gawas nato ug pagpasulod niini kanato, nga moresulta sa pagkahimo niining sulodnong pagkaumol nato sa kapulihay; sa Levitico 11 nagtimaan sa nagkalainlaing mga tawo ang tanang mananap, ug nagtimaan sa pakigkontak nato sa mga tawo ang pagkaon (Buh. 10:9b-14, 27-29); aron makakinabuhi ang katawhan sa Dios sa balaang kinabuhi ingon sa gipangayo sa balaang Dios, mag-amping gyod sila kalabot sa klase

sa mga tawong gikontak nila (Lev. 11:46-47; 1 Cor. 15:33; 2 Cor. 6:14-18; 2 Tim. 2:22).

- B. Ang mga mananap nga buak og kuko ug mousap-usap (Lev. 11:3; itandi sa vv. 4-8, 26-28) nagtimaan sa mga tawong dunay pagkaila sa ilang kalihokan (Fil. 1:9-10) ug nagdawat sa pulong sa Dios uban sa daghang paghunahuna pag-usab (Sal. 119:15).
- C. Ang mga mananap sa tubig nga dunay mga kapay ug mga himbis nagtimaan sa mga tawong gawasnong makalihok ug makabuhat sa kalibotan ug sa samang panahon makasukol sa impluwensya niini (motabang ang mga kapay sa paglihok, pagbuhat, sa isda diha sa tubig segun sa gusto niini, ug manalipod sa isda ang mga himbis ug maghimong dili maparat kadtong mga isdang nabuhi sa dagat)—Lev. 11:9.
- D. Ang mga langgam nga dunay mga pako nga iglupad ug mokaon og mga liso sa kinabuhi ingog sangkap niini sa kinabuhi nagtimaan sa mga tawong maka-kinabuhi ug makalihok diha sa kinabuhing layo sa kalibotan ug nagpaibabaw sa kalibotan ug nagkaon og mga butang sa kinabuhi isip sangkap nila sa kinabuhi—v. 13.
- E. Ang mga insektong dunay mga pako ug mga bitiis ibabaw sa mga tiil niini nga iglukuksolukso sa yuta nagtimaan sa mga tawong makakinabuhi ug makalihok diha sa kinabuhing nagpaibabaw sa kalibotan ug makaamping sa ilang kaugalingon gikan sa kalibotan—vv. 21-22.

V. Makaon nato Siya sa pagkombira nato Kaniya diha sa mga tigom diha sa bugtong-talagsaong sukaranan sa pagkausa:

- A. Makapahimulos ang mga anak sa Israel sa abot sa maayong yuta sa duha ka paagi: ang kasagaran, kinaugalingong paagi pagpahimulos man niini ingog kasagarang pahat sa bisan unsang takna, sa bisan asang dapit, ug uban ni bisan kinsa (Deut. 12:15); ang espesyal, hiniusang paagi pagpahimulos man sa labing maayong pahat, sa mga unang bunga ug sa mga panganay, uban sa tanang Israelinhon sa gitudlong mga pista ug sa bugtong-talagsaong dapit nga gipili sa Dios (vv. 5-7, 17-18).
- B. Maingon man sab, dunay duha ka aspeto ang pagpahimulos sa mga magtutuo sa Bag-ong Tugon kang Cristo: ang kasagaran, kinaugalingong aspeto nga pagpahimulos kang Cristo sa bisan unsang takna ug sa bisan asang dapit, ug ang espesyal, hiniusang aspeto nga pagpahimulos sa labing maayong pahat ni Cristo sa mga tigom sa hustong iglesiahonong kinabuhi diha sa bugtong-talagsaong sukaranan sa pagkausa, sa dapit nga gipili sa Dios.

VI. Ang tuyo sa Dios alang sa tawo paghatag man sa Iyang Kaugalingon ingon nga kahoy sa kinabuhi aron mapahimuslan niya; ang pagkakita nga gusto ang Dios nga pahimuslan nato Siya ug nga dili Siya gustong mobuhat tag bisan unsa alang Niya pagkakita man nga ang Cristohanong kinabuhi kalabot diay sa pagpahimulos kang Cristo nga kahoy sa kinabuhi; kon ma-usab ang atong hunahuna aron makita nato kining duha ka punto, sayon ra para nato ang pagkinabuhi sa kinabuhing nagpahimulos sa Dios.